



ЎЗБЕКISTON RESPUBLIKASI VAZIRLAR MAHKAMASINING QARORI

2020 yil « 14 » апрель

№ 221

Toshkent sh.

Европа тикланиш ва тараққиёт банки иштирокида “Хоразм вилоятининг канализация тизимини реконструкция қилиш ва қуриш” лойиҳасини амалга ошириш чора-тадбирлари тўғрисида

Хоразм вилоятининг Урганч, Хива, Питнак шаҳарлари ва Гурлан шаҳарчасининг аҳоли ва хўжалик юритувчи субъектларининг канализация хизматлари билан таъминланганлик даражасини ошириш, ушбу шаҳарларда санитария-эпидемиологик ҳамда экологик ҳолатни янада яхшилаш, шунингдек, Европа тикланиш ва тараққиёт банки билан ҳамкорликни кенгайтириш мақсадида Вазирлар Маҳкамаси қарор қилади:

1. Қуйидагилар:

а) Европа тикланиш ва тараққиёт банки (кейинги ўринларда – ЕТТБ) билан Ўзбекистон Республикаси ўртасида 2019 йил 20 ноябрда “Хоразм вилоятининг канализация тизимини реконструкция қилиш ва қуриш” лойиҳасини (кейинги ўринларда – лойиҳа) амалга ошириш учун 4 йиллик имтиёзли даврни ўз ичига олган 15 йил мобайнида қайтариш муддати билан 90,0 млн АҚШ доллари миқдорида қарз бериш тўғрисида қарз битими имзоланганлиги;

б) лойиҳанинг умумий қиймати 114,5 млн АҚШ долларини, шу жумладан: ЕТТБ қарзи – 90,0 млн АҚШ долларини ташкил этиши;

лоyiҳани амалга оширишда Ўзбекистон Республикасининг ҳиссаси – 24,5 млн АҚШ долларини, шу жумладан солиқ ва божхона имтиёзлари бериш тарзида 17,4 млн АҚШ долларини ҳамда ЕТТБ қарзи бўйича инвестиция даврида фоизлар ва мажбурият учун воситачилик ҳақи кўринишида 7,1 млн АҚШ долларини ташкил этиши;

в) лойиҳани амалга ошириш даври 4 йилни (2020-2023 йиллар) ташкил этиши маълумот учун қабул қилинсин.

2. Белгилаб қўйилсинки:

Ўзбекистон Республикаси Уй-жой коммунал хизмат кўрсатиш вазирлиги ҳузуридаги “Коммунхизмат” агентлиги (кейинги ўринларда – “Коммунхизмат” агентлиги) лойиҳанинг ўз вақтида ва сифатли амалга оширилишини таъминлайдиган ташкилий-техник тадбирларни ўтказиш, ЕТТБнинг қарзларидан мақсадли ва самарали фойдаланиш учун масъул бўлган ижро этувчи орган ҳисобланади;

қарз умумий суммасининг 1,0 фоизи миқдорида ЕТТБ қарзининг бирйўла воситачилик ҳақини тўлаш ЕТТБнинг қарзлари ҳисобига амалга оширилади.

3. Қуйидагилар:

“Хоразм вилоятининг канализация тизимини реконструкция қилиш ва қуриш” лойиҳасини техник-иқтисодий асослашнинг асосий техник-иқтисодий параметрлари 1-иловага мувофиқ;

“Хоразм вилоятининг канализация тизимини реконструкция қилиш ва қуриш” лойиҳаси бўйича Европа тикланиш ва тараққиёт банки қарзини қайтариш, фоизлар ва воситачилик ҳақини тўлашнинг прогноз жадвали 2-иловага мувофиқ;

“Хоразм вилоятининг канализация тизимини реконструкция қилиш ва қуриш” лойиҳаси доирасида Европа тикланиш ва тараққиёт банки қарзларига хизмат кўрсатиш харажатларини қоплаш бўйича улушлар тақсимотининг прогнози 3-иловага мувофиқ тасдиқлансин.

4. Ўзбекистон Республикаси молия вазирига ЕТТБ қарзини Ўзбекистон Республикаси, Уй-жой коммунал хизмат кўрсатиш вазирлиги, “Коммунхизмат” агентлиги, Хоразм вилояти ҳокимлиги ва “Ўзсувтаъминот” акциядорлик жамиятининг (кейинги ўринларда – “Ўзсувтаъминот” АЖ) “Хоразм сув таъминоти” масъулияти чекланган жамияти (кейинги ўринларда – “Хоразм сув таъминоти” МЧЖ) ўртасида қайта кредитлаш тўғрисидаги битимни (кейинги ўринларда – қайта кредитлаш тўғрисидаги битим) имзолаш ваколоти берилсин.

5. Ўзбекистон Республикаси Адлия вазирлиги Ўзбекистон Республикаси ва ЕТТБ ўртасидаги қарз битими, қайта кредитлаш тўғрисидаги битим бўйича белгиланган тартибда юридик хулоса берсин.

6. “Ўзсувтаъминот” АЖ бошқарув раиси зиммасига қайта кредитлаш тўғрисидаги битим шартларига мувофиқ ЕТТБ қарзини қайтариш ва у бўйича фоизларни тўлаш учун зарур бўлган маблағлар “Ўзсувтаъминот” АЖнинг “Хоразм сув таъминоти” МЧЖ томонидан ўз вақтида жамланиб борилишини таъминлаш учун шахсий жавобгарлик юклансин.

7. Хоразм вилояти ҳокимлиги:

канализация тармоқлари ва иншоотлари қуриш учун зарур бўлган ер участкалари белгиланган тартибда ажратилишини, шунингдек, заруратга кўра ер участкалари ажратилиши натижасида компенсация тўловлари тўланишини;

2020 йилдан бошлаб Хоразм вилояти маҳаллий бюджети параметрларида ЕТТБ қарзи бўйича фоизларни ва асосий қарзни қайтаришга “Ўзсувтаъминот” АЖнинг “Хоразм сув таъминоти” МЧЖнинг ушбу мақсадларга йўналтириладиган ўз маблағларига қўшимча равишда маблағларни назарда тутсин.

8. Европа тикланиш ва тараққиёт банки лойиҳаларини мувофиқлаштириш гуруҳига лойиҳани мувофиқлаштириш ва бошқариш функциялари юклансин.

9. Ўзбекистон Республикаси Инвестициялар ва ташқи савдо вазирлиги Молия вазирлиги билан биргаликда ҳар бир йил учун асосий кўрсаткичларни аниқлаштириб ва янгилаб борган ҳолда, 2020-2022 йиллар учун Ўзбекистон Республикаси Инвестиция дастурларини шакллантиришда ушбу лойиҳа доирасида ажратиладиган маблағларни инобатга олсин.

10. Мазкур қарорнинг бажарилишини назорат қилиш Ўзбекистон Республикаси Бош вазирининг биринчи ўринбосари А.Ж. Раматов ва Ўзбекистон Республикаси уй-жой коммунал хизмат кўрсатиш вазири М.Х. Салиев зиммасига юклансин.

Ўзбекистон Республикасининг
Бош вазири



А. Арипов

Вазирлар Маҳкамасининг
2020 йил 14 апрелдаги 221-сон қарорига
1-илова

**“Хоразм вилоятининг канализация тизимини реконструкция қилиш ва қуриш”
лойиҳасини техник-иқтисодий асослашнинг
АСОСИЙ ТЕХНИК-ИҚТИСОДИЙ ПАРАМЕТРЛАРИ**

Т/р	Компонент номи	Ўлчов бирлиги	Ҳаммаси*	Молиялаштириш манбаси, шу жумладан:	
				ЕТБнинг қарзи	Ўзбекистон Республикаси хиссаси
1	Лойиҳанинг умумий қиймати	минг АҚШ долл. экв.	114 487,58	90 000,00	24 487,58
2	Капитал қўйилмалар қиймати, ҳаммаси	минг АҚШ долл. экв.	97 067,58	90 000,00	7 067,58
	<i>шу жумладан:</i>				
2.1.	Товар ва хизматлар	минг АҚШ долл. экв.	82 200,00	82 200,00	
	<i>шундан:</i>				
	Ташкилот фаолиятининг самарадорлигини ошириш ҳаражатлари	минг АҚШ долл. экв.	1 900,00	1 900,00	
	Қурилиш-таъмирлаш ишлари	минг АҚШ долл. экв.	80 300,00	80 300,00	
2.2.	Маслаҳат хизматлари	минг АҚШ долл. экв.	4 900,00	4 900,00	
	<i>шундан:</i>				
	Лойиҳалаштириш, лойиҳани бошқариш ва қурилиш ишлари назорати бўйича маслаҳатчининг хизматлари	минг АҚШ долл. экв.	4 700,00	4 700,00	
	Лойиҳани мувофиқлаштириш гуруҳи ҳаражатлари	минг АҚШ долл. экв.	200,00	200,00	
2.3.	Лойиҳа бўйича кўзда тутилмаган ҳаражатлар	минг АҚШ долл. экв.	2 000,00	2 000,00	
2.4.	Инвестиция даврида молиявий ҳаражатлар	минг АҚШ долл. экв.	7 967,58	900,00	7 067,58
3	Солиқ ва божхона имтиёзлари	минг АҚШ долл. экв.	17 420,00		17 420,00

*) Лойиҳанинг якуний қиймат кўрсаткичлари батафсил лойиҳа-смета ҳужжатлари ишлаб чиқилганидан кейин ҳамда товарлар (ишлар ва хизматлар) етказиб бериш бўйича тендер савдолари натижаларига кўра белгиланади.

**“Хоразм вилоятининг канализация тизимини реконструкция қилиш ва қуриш”
лойиҳаси бўйича Европа тикланиш ва тараққиёт банки қарзини қайтариш,
фоизлар ва воситачилик ҳақини тўлашнинг
ПРОГНОЗ ЖАДВАЛИ**

Қарз миқдори - 90,0 млн АҚШ долл.
Қарз муддати - 15 йил*
Имтиёзли давр - 4 йил
Фоиз ставкаси** - Ўзгарувчан фоиз ставкаси (LIBOR USD 6 m + 1 %)
Мажбурият учун воситачилик ҳақи - 0,50 %

минг АҚШ долл.

Йиллар	Тўланадиган фоизлар	Мажбурият учун воситачилик ҳақи	Асосий қарзни қайтариш	Жами қайтариладиган маблағ
15.04.2020	18,3	226,5		244,8
15.10.2020	48,0	222,8		270,7
15.04.2021	77,2	217,8		295,1
15.10.2021	474,8	169,4		644,2
15.04.2022	867,2	119,1		986,3
15.10.2022	1 250,4	72,5		1 322,8
15.04.2023	1 619,9	25,0	4 090,9	5 735,8
15.10.2023	1 646,2	12,6	4 090,9	5 749,7
15.04.2024	1 663,6		4 090,9	5 754,5
15.10.2024	1 580,5		4 090,9	5 671,4
15.04.2025	1 489,1		4 090,9	5 580,0
15.10.2025	1 414,1		4 090,9	5 505,0
15.04.2026	1 323,6		4 090,9	5 414,5
15.10.2026	1 247,7		4 090,9	5 338,6
15.04.2027	1 158,2		4 090,9	5 249,1
15.10.2027	1 081,4		4 090,9	5 172,3
15.04.2028	998,2		4 090,9	5 089,1
15.10.2028	915,0		4 090,9	5 005,9
15.04.2029	827,3		4 090,9	4 918,2
15.10.2029	748,6		4 090,9	4 839,5
15.04.2030	661,8		4 090,9	4 752,7
15.10.2030	582,3		4 090,9	4 673,2
15.04.2031	496,4		4 090,9	4 587,3
15.10.2031	415,9		4 090,9	4 506,8
15.04.2032	332,7		4 090,9	4 423,6
15.10.2032	249,5		4 090,9	4 340,5
15.04.2033	165,5		4 090,9	4 256,4
15.10.2033	83,2		4 090,9	4 174,1
Жами:	23 436,5	1 065,6	90 000,0	114 502,1

*) Қарз берилиши муддати молявий битим имзоланиши санасига боғлиқ.

**) Ҳисоб-китобларни тайёрлаш пайтида АҚШ доллари учун LIBOR ставкаси 2,63% бўлганлиги инобатга олиниб ҳисобланган фоиз ставкаси бўлиши мумкин бўлган хавф-хатарлар ҳисобга олинган ҳолда, йилига 4,0 фоиз деб қабул қилинган.

Вазирлар Маҳкамасининг
2020 йил 14 апрелдаги 221-сон қарорига
3-илова

**“Хоразм вилоятининг канализация тизимини реконструкция қилиш ва қуриш”
лойихаси доирасида Европа тикланиш ва тараққиёт банки қарзларига хизмат
кўрсатиш харажатларини қоплаш бўйича улушлар тақсимотининг
ПРОГНОЗИ**

Йиллар	“Ўзсувтаъминот” АЖнинг “Хоразм сув таъминоти” МЧЖ улуши	Хоразм вилояти маҳаллий бюджетининг улуши
2020	0,0%	100,0%
2021	0,0%	100,0%
2022	0,0%	100,0%
2023	0,0%	100,0%
2024	39,9%	60,1%
2025	43,8%	56,2%
2026	49,4%	50,6%
2027	53,6%	46,4%
2028	59,9%	40,1%
2029	65,9%	34,1%
2030	68,6%	31,4%
2031	71,5%	28,5%
2032	68,0%	32,0%
2033	63,0%	37,0%
Жами:	49,8	50,2

